



OSHKI-AAKOZIWIN (GOOBID-19)

Maagizhaa gi-gii-ganoonaa besho awiya GOOBID-19 gaa-inaapined

ZHAAGOOCH IGO JI-NISHIKEWABIYIN

Gaanada Aki Ogimaawiwin o-gii-ozhitoonaawaa inakonigewin ji-onji-zoswesh-kaamagazinog iwe GOOBID-19 aakoziwin omaa Gaanada Akiing. **Zhaagooch gi-daa-nishikewab 14 dasogon, ji-wiindamaageyin awenen ge-ganoonindiban gaye ji-naagadawaabandaman enamanji'oyin** amii enakonigeng *Ji-manaa-aazhoo'iding GOOBID-19 (Ji-nishikewabing) No. 4.*

Ji-bizindaman owe Inakonigewin gi-ga-naagaji'igoo debwe ji-izhichigeyin, gidinaakonigoo aaniish ji-izhichigeyin. Igiwe gaa-bizindazigwaa da-izhiwinaagwag ge-izhi-nishikewabiwaad gaye da-diba'ige'aawag gaye gemaa da-dakonaawag gibaakowidiwigamigong.

- | | |
|--|---|
| <ul style="list-style-type: none"> ✓ Dazhi-nishikewabin ge-ayaamagak gakina gegoon ge-andawendaman. ✓ Izhaan zhemaak gaa-wii-izhi-nishike-abiya gego gibichiiken, imaa dash ayaan 14 dasogon gaa-onji-ishkwaa-biindigeyin Gaanada Akiing. ✓ Amii maanoo igo izhichigen ji-gigishkaman aagwiingwepizon gemaa ji-aagotooyin gijaan gidoon memindage bimi-ayaayin. ✓ Gego besho gaganooaaken awiya apane igo. ✓ Odaabaanens giin ji-bimibizoyin aabaji' ji-izhaayin gedazhi-nishikewabiyin, gashkitooyin. | <ul style="list-style-type: none"> × Gego waabamaaken awiyag megwaa bimi-ayaayin. <ul style="list-style-type: none"> ✓ Gego gabaaken, amii imaa izhi-booziin. ✓ Giishpin wii-mooshka'oojigeyin, imaa agwajiing onji-diba'igen, gaawiin biindig; ✓ Giishpin wii-wiisinyin, gaa-bimi-zhaabobizong izhi-adaawen ge-miijiyin. ✓ Giishpin miiziiwigamigong wii-gibichiiyin, gigishkan aagwiingwe'on gaye gego besho niibawiken awiya waabamad, giziininjiin gaye. |
|--|---|

AANIND AKIIKAANAN AWASHIME ONJI-IWEWAG JI-BABAAMI-AYAASIWANG
(Daabishkoo owe, gego izhaaken akiikaaning giishpin gichi-gegoo ji-onji-izhaasiwan, gaawiin aanindi go ji-izhaayin gibagidinigoosii).

Ganawaabandan ini gaa-niibidebii'igaadegin Akiikaanan daataanginiganan omaa odaanaang ozhibii'iganing ji-gikendaman giyaabi wiindamaagewin.





Maagizhaa gi-ga-ganoonigoog Akiikaaning gaa-onji-dibendaagoziwaad megwaa 14 dasogon nishikewabiyin. Giishpin bakaan inaakonigewaad Gaanada Ogimaa gaye Akiikaan, maawach gaa-ikidoomagak ji-ayaangwaamiziiyin izhichigen.

Gi-daa-naagajitoon enamanji'oyin 14 dasogon

GIZHIZO OSOSODAM BWAANAWITOOYIN JI-BAGIDANAAMOYIN WEWENI

Giishpin maajii-inamanji'oyin e-ayaayin GOOBID-19 (ososodaman, gashkitoosi-wan weweni ji-bagidanaamoyin, gizhizoyin gemaa owe izhiseyin awashime 38°C minik gaye giikajiseyin gemaa miskozhageyin gemaa abwezoyin):

- Nishike ayaan, gego besho wiidabimaaken awiya.
- Ganoosh Mino-ayaawin Gaa-naagajitood (inaabin odaanaang omaa mazina'igan-ing giyaabi ji-gikendaman) bizindaw dash ekidowaad.

Miinawaa gi-ga-maajitaa iwe 14 dasogon ji-waabamaasiwad awiya giishpin inam-anji'oyin GOOBID-19 e-ayaayin, gemaa gaa-wiidabimad awiya gaa-inaapined, gaa-inamanji'od ji-ayaad iwe GOOBID-19 gemaa gaa-nanaandogikenimind e-gii-mikigaadenig dash e-ayaad iwe.

Inaabin imaa <https://www.canada.ca/en/public-health/services/diseases/2019-novel-coronavirus-infection/symptoms.html#s> ji-gikendaman giyaabi inamanji-onan gaa-ayaagin GOOBID-19 inaapinewining gemaa aanjiike ji-aazhoo'igoo-amban gaye maawach ge-gichi-inaapine'amban GOOBID-19 ayaayin.

JI-GAGWE-GIBITINIGAADEG GII-AAZHOO'IDING GOOBID-19

Izhaan zhemaak ge-dazhi-nishikewabiyin, gaye gego ngoji gibichiiken megwaa wedi izhaayin.

48 daso-diba'igan ako-izhiseg dagoshinan, izhaan imaa ArriveCAN gaa-izhinikaadeg daataanginigen gaye <https://arrivecan.cbsa-asfc.cloud-nuage.canada.ca> gemaa 1-833-641-0343 izhi-giigidon.

Wiindamaagen enamanji'oyin imaa ArriveCAN app daataanginiganing <https://arrivecan.cbsa-asfc.cloud-nuage.canada.ca> gemaa giigidon 1-833-641-0343 endaso-giizhig baamaa ishkaaseg iwe 14 dasogon nishikewabiyin.



**GE-IZHICHIGEYING GAYE GE-IZHICHIGESIWAN MEGWAA 14
DASOGON NISHIKE-ABIYIN.**

Gaa-bagidinigaadesinog megwaa nishike-abiyin.	Gaa-bagidinigaadeg megwaa nishike-abiyin.	
<ul style="list-style-type: none"> • Gaawiin gi-daa-nagadanziin gaa-dazhi-nishike-abiyin aakoziwigamigong eta wii-izhaayin ji-andawi'igooyin. • Gaawiin gi-daa-waabamaasiig awiyag ji-mawadisikwaa giishpin agwajiing aanawi ayaayin gaye niizhwaasomizid onjigaabawiyin. 	<ul style="list-style-type: none"> • Bizaanigo godag imaa daa-ayaawag gaa-dazhi-nishikewabiyin gemaa agwajiing imaa giishpin owe izhichigeyin: <ul style="list-style-type: none"> • Gego wiidabimaaken awiyag gaa-gii-wiidwaa'amaasiwadwaa; • Giziinan gakina gegoon ishkwa-aabajitooyin; • Gigishkan gaa-gii-ozhichigaadeg aagwiingwepizon giishpin gashkitoosivan ningodwaasomizid ji-onji-wiidabimad bakaan awiya. 	
Ikidowag bizaanigo owe megwaa nishike-abiyin.		
<p align="center">Giziininjiin nasine giziibiiga'igan ji- aabaji'ad gaye gizhaagamide, gemaa ishkode-waaboong gaa- onji-ozhichigaadeg giziinigan 60% minik ishkodewaabo ateg.</p>	<p align="center">Gego zaaminangen giwadeng.</p>	<p align="center">Aagonan gidoon gaye gijaan ginagway ji- aabajitooyin ososodaman gemaa jaachaamoyin.</p>
<p>Gi-daa-ganoonigoo omaa onji 1-888-336-7735 ji-gikenjigaadeg debwe imaa e-ayaayin megwaa gii-nishikewabiyin 14 dasogon.</p>		



MINO-AYAAWIN GAA-NAAGAJITOOWAAD

AKIIKAANAN GAYE AKIIKAANENSAN	GIIGIDOWIN AGINDAASON	DAATAANGINIGANING
British Columbia	811	www.bccdc.ca/covid19
Alberta	811	www.myhealth.alberta.ca
Saskatchewan	811	www.saskhealthauthority.ca
Manitoba	1-888-315-9257	www.manitoba.ca/covid19
Ontario	1-866-797-0000	www.ontario.ca/coronavirus
Quebec	1-877-644-4545	www.quebec.ca/en/coronavirus
New Brunswick	811	www.gnb.ca/publichealth
Nova Scotia	811	www.nshealth.ca/public-health
Prince Edward Island	811	www.princeedwardisland.ca/covid19
Newfoundland gaye Labrador	811 gemaa 1-888-709-2929	www.gov.nl.ca/covid-19
Nunavut	1-867-975-5772	www.gov.nu.ca/health
Northwest Territories	811	www.hss.gov.nt.ca
Yukon	811	www.yukon.ca/covid-19

Giiyaabi andawendaman wiindamaagewin:

1-833-784-4397

canada.ca/coronavirus